

## Trosolwg

Mae'r safon hon yn ymwneud â chefnogi rheolwyr sy'n gweithredu ar lefel strategol ac sydd â'r awdurdod i wneud penderfyniadau a'u rhoi ar waith ar ran eu sefydliadau. Nhw fydd yn gyfrifol am reoli'r broses bartneriaeth yn gyffredinol, ond ni fyddant o reidrwydd yn rheoli staff y bartneriaeth o ddydd i ddydd.

Mae 'Partneriaeth' yn cynnwys partneriaethau statudol yng Nghymru a Lloegr a phartneriaethau anstatudol. Mae'r safon yn fwy strategol na gwaith amlasiantaeth, sy'n gallu bod ar lefel weithredol.

Fe'i hargymhellir ar gyfer uwch-reolwyr sy'n ymwneud â datblygu a rheoli partneriaethau amlasiantaeth.

## Meini prawf perfformiad

### *Rhaid i chi allu:*

1. gweithredu gyda phartneriaid i sefydlu fframweithiau strategol i oruchwylio gwaith y bartneriaeth
2. sefydlu a chytuno gydag aelodau'r bartneriaeth ar y nodau strategol a'r cynllun gweithredu ar gyfer y bartneriaeth
3. sefydlu a chytuno ar y cyfraniad y bydd pob partner yn ei wneud i waith partneriaethau
4. canfod ac ymgysylltu â phartneriaid priodol er mwyn datblygu agendâu partneriaeth cyffredinol
5. sefydlu a chytuno ar brosesau a gweithdrefnau ar gyfer gwerthuso llywodraethu, aelodaeth a rheolaeth partneriaethau
6. datblygu, cytuno a gweithredu protocolau ar gyfer cyflawni nodau ac amcanion partneriaeth
7. sefydlu, cytuno a gweithredu prosesau ar gyfer lledaenu gwybodaeth am waith y bartneriaeth oddi mewn i asiantaethau unigol ac i'r gymuned ehangach
8. sefydlu a chytuno ar brosesau ar gyfer casglu a rhannu gwybodaeth ac arfer da am waith partneriaeth, i wella cyflawniad nodau ac amcanion
9. sefydlu, cytuno a gweithredu prosesau i werthuso effeithiolrwydd partneriaethau
10. adolygu canlyniadau prosesau gwerthuso gyda phartneriaid
11. cytuno ar argymhellion o werthusiadau a'u gweithredu er mwyn gwella effeithiolrwydd partneriaethau

## Gwybodaeth a dealltwriaeth

### *Mae angen i chi wybod a deall:*

1. sut mae datblygu protocolau llywodraethu
2. nodau ac amcanion strategol gwahanol bartneriaid a sut gall hynny effeithio ar lywodraethu partneriaethau
3. pam mae'n bwysig adnabod gwrthdaro a allai godi rhwng nodau partneriaethau ac amcanion sefydliadau unigol sy'n aelodau
4. y cyfraniadau y gall gwahanol bartneriaid eu gwneud i waith partneriaethau, gan gynnwys adnoddau a rennir
5. pwysigrwydd gweithio mewn partneriaeth a pham gall hynny wella'r gwasanaeth a gyflwynir a chynyddu hyder y cyhoedd
6. ffactorau a blaenoriaethau newidiol yn genedlaethol ac yn lleol sy'n gallu cael effaith ar bartneriaethau, yr aelodau a'r nodau strategol
7. y fframwaith deddfwriaethol mae gwaith partneriaeth yn gweithredu oddi mewn iddo
8. sut mae tystio i waith partneriaeth effeithiol a'i werthuso

## Ymddygiadau

1. Rydych yn datblygu ac yn cyfathrebu nodau strategol yn glir, ochr yn ochr â gwrando ar farn pobl eraill ac ymateb iddynt
2. Rydych yn dangos sensitifrwydd i ddiwylliant a gwerthoedd asiantaethau partner
3. Rydych yn arddangos uniondeb, tegwch a chysondeb wrth wneud penderfyniadau
4. Rydych yn arddangos ymddygiad sy'n dangos parch at eraill a pharodrwydd i gydweithio ag eraill
5. Rydych yn deall agendâu a blaenoriaethau pobl eraill ac yn cyd-drafod yn unol â hynny
6. Rydych yn creu cyfleoedd ar gyfer perthnasoedd gwerth ychwanegol
7. Rydych yn cyflwyno gwybodaeth yn glir ac yn gryno ac mewn fformat sy'n hybu dealltwriaeth ac yn cefnogi'r broses o wneud penderfyniadau
8. Rydych yn cyfathrebu'n effeithiol â phartneriaid gan ddefnyddio dull ac arddull priodol
9. Rydych yn creu ymdeimlad o ddiben ac agenda cyffredin
10. Rydych yn cael hyd i ffyrdd ymarferol o oresgyn rhwystrau
11. Rydych yn cydnabod anghenion eraill i adolygu penderfyniadau gyda phobl eraill yn eu sefydliadau eu hunain
12. Rydych yn adnabod y cyfleoedd a gyflwynir gan amrywiaeth pobl
13. Rydych yn gosod gwerth ar gyfraniad pobl eraill i'r bartneriaeth

## Sgiliau

Meddwl yn strategol  
Cyfathrebu  
Cyd-drafod  
Ymgynghori  
Pennu amcanion  
Cynllunio  
Adolygu  
Datrys problemau  
Dadansoddi  
Monitro  
Gwneud penderfyniadau  
Rheoli risgiau a manteision  
Dylanwadu a darbwylo

SFJHG4

Datblygu a rheoli partneriaethau amlasiantaeth

---



Cynnwys eraill

**Cysylltiadau â SGC eraill**